

俗焉善爲政者於是乎取材矣知其漸而防之知其流而遏之美者崇之惡者沮之利者興之弊者釐之於治教其庶乎吾廣古百越地三代前猶在荒服至秦始入屬郡更漢歷唐幅員益廣賈莫及也晉唐之末盧黃寇攘荆奔過半南北五代焚亂無紀胡元溷濁幾于淪

晉迄我

皇明乘運統一寰宇薄極海外傾心王臣今  
枕林蠡窟無尺寸不入版圖可謂盛矣天  
下之生久矣一治一亂是故漢一時也唐一  
時也我

明一時也不於是可考地運乎漢賈前廣人  
罕仕賢聲寥寥及唐張曲江公以相業

顯宋余忠襄公以直諫顯仕者始崢然  
出頭角鏗然厲聲名南宋崔菊坡公十  
三疏辭相位清風高節夷夏想聞至于  
我

明成化弘治間白沙陳先生者出默學潛脩  
巋然以道統自任由是而仕者樂恬退  
學者知本原今文士裒然魁天下恒不

自以爲至而惟反躬上溯于道德性命  
之求斯亦盛矣是故道德本也文藝末  
也不於是可以徵士風乎自昔廣俗朴野  
少文晉隋之間雜結箕踞舊風猶爾唐  
宋而降文物寔盛無異中州入我

國朝百六十年來聲教日洽今雖閭閻士女  
冠裳簪履雍容揖讓之節昏喪交際爭

以不及禮為耻至于燕會之常樽罍肴  
核璀璨陸離與京都埒嗚呼亦盛矣是  
故夏尚忠商尚質周尚文其時然也不  
於是可以觀民俗乎雖然地極廣大則  
生齒之蕃也習鶩高遠則功名之薄也  
俗尚侈靡則財用之蠹也善為政者有  
憂之生齒蕃庶則思所以安集富養之  
方士薄功名則思所以崇獎激厲之道  
民俗侈靡則思所以返朴還淳之術故  
曰化而裁之存乎變推而行之存乎通  
神而明之存乎其人此有司者之責也此  
戴君志也是編也雖草創于提舉張岳  
教授何元述教諭王時中輩而發凡舉  
例搜逸爰燕叙以先之贊以終之皆出戴

君手自裁訂戴君雄才博學按茲一方  
大有風裁吏弊民隱抉剔靡遺而猶有  
暇力以及乎文事卓然成一家言以垂百  
世典厥功偉矣獻夫卧病山中筆硯弗  
治媿莫能出一詞贊之而實樂其成也  
可不有言於是乎序

嘉靖十四年歲在乙未冬十一月之吉

賜進士光祿大夫柱國

少保兼太子太保吏部尚書

武英殿大學士知

制誥

經筵日講事

國史總裁官南海病叟方獻夫書



廣東通誌序

乙未冬廣東通誌成倫子觀之始分野  
曰明天道矣蹟而不亂辯而不誣其保  
章氏之遺乎廼觀山川曰美哉東南之  
勝觀政紀曰可以秉教矣夫教者政之  
依也至郡縣疆域封國曰是古所謂雄  
緊之地耶至沿革曰述矣百世之上百

世之下莫之能違也是其徵乎坊都曰  
恤勞均佚衆豫以勸至秩官曰大哉我  
明之制乎君子居其位則思靖共焉公署  
曰在上者處高明復顯榮匪以上人實  
務庇之故居夏屋思民有不得其所者  
矣至循吏名宦曰夫有功於民去則思  
之沒則表之至矣人物列傳曰彰德立  
教不預於茲者非夫也義方曰稱人之  
善必本諸父兄師友厚之道乎他志未  
之及也流寓曰夫人之至是邦也或以  
爲榮或以爲辱其嚴乎學校曰教之所  
也善哉我思樂願治者三復焉廼至道學  
曰內外一矣其聖賢之衷乎至風俗曰作  
者之謂風成者之謂俗慎之哉未有倡

而不從者也科貢曰厚哉國之待士也  
士之報也何以禮樂曰可以度矣其文  
章以則卹典曰可以勸矣其義昭以敷  
觀神祠曰祭義可識矣爲政者勤民而  
事神則假之故曰賢者之祭也必受  
其福戶口曰古者獻民數于主王拜受  
之示重也蕃而息之惟牧至田賦曰知  
保障矣廼觀課料差後均平糧餉曰其  
政之始務乎倉廩驛傳曰其庶官之司  
守乎至鹽法屯田曰是國之經也至珠  
池鐵冶番舶曰是國之資也觀物產曰  
粵鑄燕函秦鑪荆玄纁菁茅嶧陽孤桐  
羽畎夏翟類也觀水利曰是川澮之遺  
也自軍制以下遍觀焉曰有文事者必

有武備其可弛諸至外夷海寇黎獍曰  
聖人能內外無患其衰也戎寇生於門  
庭於仙釋曰易云言天下之賸而不可  
惡也不可惡者道也聖人不知不能者  
亦道也於祥異曰休咎之占古有職庇  
觀舖舍橋梁曰是司空平五土以奠民  
也至宮室陵墓曰廢興之跡吾有感焉

觀於雜著終焉曰賁道飭矣於是作而  
嘆曰昔我先君實職太史掌四方之志  
以贊

王治用能周知天下郡國之故尚古之迹靡  
有遺逸是故因倂以設教順時以敷政  
通變以宜民志之所條豈其微哉况  
明興幾二百禩于茲



列聖德化溲漉周溥故聲明文物彬彬益盛  
其可已志乎屏石戴公承

天子明命出按吾廣政務具舉軌物端則叢  
霧蘊弊悉剷磳之暮年吏肅民蘇百度  
咸式而於此允慎竭焉可謂識其大者  
公博洽明練克敏克任不三閱月而志  
成爲全粵彝典他日傳之四方藏之石

室宜求爲史氏之守曰初稿示謙也

賜進士出身浙江道監察御史前翰林院庶

吉士南海倫以諒拜手書



新編廣東通志初稿序



璟奉

命叨按廣東維是偏州下邑匹馬馳驅過荒  
郊每見田夫野叟率改容咨諏爰輯按  
廣事宜且載閭閻疾棘以敷我胃腸以  
為民述矣尋以賦役弗均時方覲瘠復  
更定賦役文冊以辰告顧通志先年屢

廣東通志卷之九十一  
纂未成虛糜數百金士民相與嗟曰及  
今不宣乃心以貽盛典不啻囊中將來  
文獻不其或稽予曰然乃案發布政司  
舉行先是

南川陶公以元老秉節鉞於茲王亦案行  
各府取誌爰禮聘文學鉅公總理誌事  
皆不至維是提舉張岳教授何元述教

諭王時中等暨學生十餘員至館予命  
分野等六十餘條俾各按舊誌纂錄尚多  
牴牾踈畧士民咸嗟嘆以爲汗青無日  
矣予愕然曰可遂罷筆乃筮得乾之大有  
厥錄惟吉予季春辰期已及天復遲我  
迄秋弗獲代亦維示我闡茲敷音以植後  
夫準規况王事靡盬我菲人何印自恤哉

乃亟理公事暇閱書秉筆肆惟日肝忘  
飡及舉燭達旦者十餘旬亦維矜我憚  
人負痛孔將肆獲探脉察色我憂慘慘  
若弗爲攻藥立方厥疾曷瘳哉且我何  
知時有弋獲輒爲前叙後贊精白芻蕘  
罔非爲耄倪是葵諸官生所纂闕政事  
蠲烝民情康愒者始書此此臆駭厥辭  
削去越大事雲散烏沒復加博采以杜  
爽侮維

一統誌時配皇天各府誌出自壽耆吾有  
述罔作有削靡增恐涉譎張乃類僂僂  
人將曰飛黏揣摩裹棗伴對哉於是復取  
人物檄行廣州三學師生暨鄉士夫且  
稽首再拜語之曰茲舉爲采民風持公

道某也賢與衆旌之某也不肖與衆黻之  
月旦協矣朱墨昭矣君子平衡而勿遐  
心矣衆僉曰善哉誌文可傳矣予駭曰  
夫誌也者探淵海也文也者相金玉也  
反是皆非也其誰與傳且我何敢好名  
以圖傳哉甚不得已也凡以恤時艱而  
脩我使職也詩曰期逝不至而多爲恤

我咨東廣吏聚蚊民穿雀政決隄賊伏  
狼吾將掃之平之培之夷之而以期逝不  
及矣故播告載備冀存典刑以不迷我  
國家之明訓天覆吾地載吾維知忠乃  
君澤乃民豈與瑣瑣蝸角爭雌雄哉故誌名  
初稿弗敢自稱時叙惟俟後君子疆畝  
我田塗茨我室焉爾矣嗚呼凡百執事

廣東通志初稿序  
尚知我既心慎事相與奠麗敦彝罔  
敢不臬則於廣人不無消埃之助而在  
我僭踰之罪少追一二也夫

嘉靖乙未孟冬吉日

賜進士第文林郎巡按廣東監察御史秦川

戴璟孟光書

丙戌  
謹誌

孟光

拜

廣東通志初稿目錄

卷首

凡例 圖經

卷第一

分野 山川上

卷第二

山川下

卷第三

政紀 行次

卷第四

疆域

形勝城池附

卷第五

封國

古蹟

卷第六

沿革

坊都

卷第七

秩官

上

卷第八

秩官

中

卷第九

秩官

下

卷第十

公署

吏員附

卷第十一

循吏

名宦

將畧

忠義附

卷第十二

人物

官蹟上

卷第十三

人物官蹟下名臣 義方附

卷第十四

人物將畧義勇附 人物儒林 人物文苑

人物卓行孝友附

卷第十五

人物忠義 流寓 烈女

卷第十六

學校

卷第十七

道學

卷第十八

風俗

卷第十九

科貢上

卷第二十

科貢下

卷第二十一



禮樂

卷第二十二

卹典 神祠 戶口

卷第二十三

田賦

卷第二十四

課料

卷第二十五

差役

卷第二十六

均平

卷第二十七

糧餉

卷第二十八

倉廩 驛傳

卷第二十九

鹽法 屯田

卷第三十

珠池 鉄冶 番船

卷第三十一

土産 水利

卷第三十二

軍制 軍需附

卷第三十三

軍器 弓兵 民壯 打手附

卷第三十四

營堡 關津附 教場 上班 優給 比試附 達舍

卷第三十五

外夷 海寇 徭種

卷第三十六

生黎 仙釋 寺觀附

卷第三十七

祥異 舖舍

卷第三十八

橋梁 渡附 宮室 陵墓

卷第三十九

廣東通志  
目錄  
五  
雜著上

卷第四十

雜著下

目錄終

新編廣東通志初藁凡例

一廣東舊無通志正德嘉靖初年撫按會聘儒碩纂脩  
事皆中止虛糜錢糧盈數百計而隻字片文不遺蓋  
由書籍殘缺而當事者苟延歲月含毫不斷殊為可  
憾璟以為及今不成將來虛糜如今之視昔也再三  
籌度亟成此書以為節財之計云

一本年四月兩司會議聘文士纂述撫按俱各詳允柰  
何或行聘而辭疾不赴或方纂而聚散不常人皆畏  
難事輒報罷璟亦以三月時維滿期亦徒浩歎曰此

在後之人爲之也既而八月初旬得新巡按陳手書  
內開臘月中交代璟乃曰以其時則可爲矣遂取  
各府誌而於政暇通宵檢閱遂捉筆成景姑備一方  
缺典云

一誌內事蹟皆采之各誌而以

一統志爲主其前有叙以發持言之蘊後有贊以揚未  
盡之情皆璟見自管珽聲出蚓竅者也顧閣筆有年  
素約無色殊爲可愧但事事皆憂

國之過慮欵欵皆憂民之私謀語曰就有道而正焉豈  
敢自謂此書不覆瓿誰也耶後有杞人出必知吾之  
苦心而爲之正之矣

一御史職在貞度肅條而乃爲此若多事矣不知璟觀  
風之官也昔晦庵巡南康先觀誌書乃今咨諏頗悉  
一得之愚不垂之簡策以詔後人以警在位者所謂  
每懷靡及哉用是凡關於地方利害生民休戚風化  
淑慝者書之使奸貪者有所畏而不敢爲庸懦者有  
所據守而益勵其進豈唯一年之貞肅將以貽之久  
遠以脩我使臣之職云

一 人物有邪正實蹟有污隆璟東西南北之人也由百世之後舉百世之上而品評之亦不過即事考心即言觀行而已矣顧各府誌多出於鄉士門生之口其間以盜蹠爲伯夷耶吾不得而知之也若欲盡疑而痛刪之則豈可盡誣天下之無人哉傳曰信以傳信疑以傳疑以仲尼大聖而郭公夏五之疑尚傳之而况吾人豈可肆然自任筆削而居之無疑也用是將各府誌曾見於雜記野史而彰彰可信者書之其有的然知其爲僞妄者已削十之七八其且信且疑者兩存之以備參考其廣潮英俊林立之地則責之嚴高雷等府人物寂寥而待之又不容以不恕云

一 自分野至雜著六十四條中間有關於政事民隱者講究不敢不悉搜羅不敢不盡故凡璟所以除奸剔蠹者雖未敢自以爲是亦備載於下以俟識者采葑云

一 廣東邊邇夷寇故蕃舶生黎海寇蹂躪皆詳書之民生最患者曰驛傳曰差役曰田賦之類每事必分網別目而凡璟禁約雖鄙俚區畫雖瑣屑亦載於下以

備藥籠云

一舊誌自昔無道學均平等條乃今創爲此例何亦以見世俗誦法聖賢而不知道學之所以然均平因舊無則例而有司漁獵竭盡錙銖以致民益盜竄田率蕪萊故今以一得之愚附於下使人知天下有正學而不敢立異沽名以自附亂賊之流有司知均平之有正法則亦不敢假公營私而瘡痍亦少甦云

一雜著止東廣詞翰諸凡有關於教化民隱者書之其或文采鏗可觀而簡帙亦有限姑錄三以例其餘云

一古人作文若張衡覃思於十年左太冲苦精於二紀此所以價重鷄林而謂之成書環自八月初旬至十月終但寢食俱忘倉卒就書而已蓋目前乎此則不暇爲後乎此則不及爲乃今不揣固陋輒復梓行者存草創也亦以爲潤色之柄俟班馬云

嘉靖十四年冬十一月朔屏石戴璟書

廣 東 地 理 總 圖

北至大定使嶺界

北界一千三百二十里

北至贛州府至信豐縣

東至江西贛州府安遠縣

一千三百二十里

西至廣西梧州府至西極嶺界

西南至分界嶺



一百八十里

南外大抵洋難計數里

廣 東 地 理 總 圖

北至贛州府至信豐縣

東至江西贛州府安遠縣

東至江西贛州府安遠縣

東至江西贛州府安遠縣

東至江西贛州府安遠縣

東南至惠州府至南



南外大抵洋難計數里

治外大抵洋難計數里

# 廣州府

北至韶州府英德縣

惠州府至東北



南至香山縣界

四丁里

廣東通志卷之

圖

五